

EO 250.123
138.1 "

建昌府志

光緒五年補版

雜類志卷十

易之繫辭曰物相雜故曰文夫雜豈駁而不純哉蓋以不類者而使之麗於其類也仙釋也所以存外教墳墓也所以表古人至於豐凶視天象之昭垂休咎隨人心之感召類記之均足以勵修省焉

僊釋

塋墓

祥異

軼事

建昌府志

卷十

雜類

建昌府志

雜類志卷十

僊釋 卷十之一

自聖教大明佛老不足以相溷故方外有人不妨並爲之記雖飛升坐化之說近於荒唐然冲修元穆戒律精嚴彼亦有其自全者在也建昌諸名勝或壇以仙名或石以禪著其人斯在循舊登載俾好事者流覽焉

麻姑

華子期

盱姥

垂壺先生

王遠

陳尉

浮邱伯

王哀郭如附

鄧思瓘

姪德誠附

譚僊巖

伍之奇

宋元白

伊用昌

甘凝

張洞宣

魏元吉

建昌府志 卷十

雜類

僊釋

冷真人

杜永期

王文卿

謝氏二女

白玉蟾

王嗣文

楊權

馮伯達

毛道人

江無隱

鄭孟倫

汪朝道 邱真人附

胡古崖

大腹子

上引禪師

禪嶺僧

崇儼

謝禪師

紹隆禪師

景祥

有誠

潘禪師

樟不禪師

王行者吳和尙附

真如禪師

行保

孤月 無像附

慧經

覺浪附

大成

埋菴

大方

僊釋

漢

麻姑宣城人少時與嫂之山中嫂訝其遲答云適遇女童戲水旁其來其去莫知所之嫂教以緋線綴其衣蹤跡之於大松樹下掘得伏苓若嬰兒烹之嫂適有故他往姑盡飲其汁初與弟拾薪甚難後姑得薪獨多弟怪而伺之見姑宴坐林中羣鳥皆銜薪至歸以告母母強詰其故姑知神異已洩明日遂棄家去數年忽歸云自青城來人見其衣垢敝欲更之姑一自拂拭精潔文彩非復世間所有漢末姑南遊吳棲息盱江小有洞天會王方平於蔡經家年才如十八九時頂中作髻餘髮垂腰其衣光彩耀日不可名

建昌府志

卷十

雜類

僊釋

字坐定各進行厨金盤玉杯擗麟脯行酒香氣達於內外姑言接待以來見東海三爲桑田向蓬萊水又淺於曩者會時畧半也姑欲見蔡經母及婦經弟婦新產數十日姑望見止勿前求少許米擲之墮地卽成丹砂方平笑曰姑故年少吾了不喜作此狡獪伎倆也山中居者時聞鐘磬步虛聲山頂又多螺蚌殼蓋滄海桑田云唐開元中道士鄧紫陽請立麻姑廟仙壇側元宗從之宋時疊加封號賜額仙都觀明初令有司以七月七日致祭卽姑降蔡經家之日

雲笈七籤仙壇碑麻姑志

華子期九江人角里弟子受僊隱靈寶方服之日行五百里舉能千斤一歲十易皮如蟬蛻後乃仙去翔集麻源岡上

因以華子名岡謝靈運有人華子岡是麻源第三谷詩名
勝志

盱姥江南盱邨之老母也生三子挂五銖衣游於物外久之
能變化母喜食魚日於黎沮溪中取二鯉數年挈其母登
洪西山仙去故當時號盱母江江邊爲盱姥邨

韓熙晟記

垂壺先生不知何代人委蛻紫霄觀之仙人巖巖嶄絕人所
不到有羽士峻梯陟其巔見一木榻堅墨如沈檀久而不
壞又有石函貯七星劍等物云

南豐州志

王遠字方平嘗過蔡經家教其尸解如蛻蟬也經去十餘年
忽還家言七月七日王君當復來至期間鼓樂蕭管人馬
之聲舉家皆見方平戴遠遊冠着朱衣虎頭鞞囊五色之

建昌府志

卷十

雜類

僊釋

二

綬帶劍乘羽車駕五龍各異色旌旗道從威儀赫赫如大
將軍鼓吹皆乘麟從天而下既至從官皆隱不知所在坐
須臾引見經父兄因遣人與麻姑相聞姑至各進行厨方
平語經家人曰吾酒出天厨其味醅醲非世人所宜飲今
當以水和之乃以一升酒合水一斗賜經家飲良久酒盡
語左右曰不足遠取也以千錢與餘杭姥相聞求其沽酒
須臾信還得一油囊酒五斗許信傳餘杭姥答言恐池上
酒不中尊飲耳是日又以一符授蔡經鄰人陳尉宴畢命
駕昇天而去簫鼓道從如初

神仙傳仙壇碑

陳尉居蔡經家舍之北不著名字當罷尉時聞經家有仙降
乃詣門求見乞得隨從驅使比於經方平令向日立從後

視之曰君心不正難以仙當授爾地上王者之職臨去給以一符并一傳著小箱中言此不能令君度世可令竟君壽出百歲也尉壽至一百一十歲尉受符後能檄召鬼魔救人治疾經常從王君遊山海或暫歸家王君亦有書與陳尉多是篆文或真書字廓落而大陳尉世世寶之先是人無知方平名遠者因此始知焉

淳熙志葛洪麻姑傳

晉

浮邱伯晉時得道浮邱山王哀郭姒共師之他日出山約於江南絕頂會聚王郭相遇於南豐孤荷橋已同尋師不得乃歲一會於華蓋山玉亭館復同飛馭至軍山居焉今遠近禱祀日恒數百人

名勝志

建昌府志

卷十

雜類

僊釋

三

唐

鄧思瓘號紫陽南城人習道麻姑山開元中應召入大同殿修功德能役神兵以却西戎雷霆中隱隱見焉西戎退元宗益神之二十七年忽見虎駕龍車二人執節於庭中顧謂其友竹務猷曰此迎我也可爲吾奏願歸葬本山并請立麻姑廟於壇側帝皆從之作輓詩刻石遣中使送歸明年改葬棺中惟玉簡香爐而已姪男曰德誠嘗隨紫陽侍禁中元宗奇其穎異以簡授之曰他日必爲教主紫陽旣化召至禁中時石堡爲邊患請然燈七盞以象北斗焚香瞑祝一燈飛去若流星而石堡城中正以此夜灰燼德誠卒亦有墓在麻姑山不詳其處云

仙壇記雲溪友議名勝志

譚仙巖法籙尊嚴而史元洞左通元鄒鬱華皆清虛服道蓋
鄧氏之弟子黎瓊仙年八十而容色益少曾妙行夢瓊仙
而餐花絕粒則女道士也 仙壇記

伍之奇廣昌人龍泉觀道士有道術卓杖成泉觀下有深潭

龍居之潭上有石盆之奇嘗置飯盆中龍化爲犬食之

之奇仙去龍亦不見後人名其盆曰參龍盆泉曰參龍池 縣志

宋元白者不知何許人長七尺餘夏挾纊不熱冬單衣不寒

性嗜酒食必以蒜人有食之者香美異常大非蒜味食量

兼數十人相傳自茅山遊南城其白日飛昇處卽宋軍學

地也 清熙志南城萬曆志

伊用昌唐末被羽褐往來江右縱酒狂逸皆稱爲伊風子妻

建昌府志

卷十

雜類

僊釋

四

年少善音律女紅用昌作望江南詞夫婦唱和而歌夜宿

古寺廢廟天祐間至南城夫婦食牛肉俱死鎮將丁某爲

稿葬路旁一年後丁某將抵鍾陵於北市棚下見之登旗

亭共飲丁大醉睡去風子題壁云此生生在此生前何事

從元不復元已在淮南雞犬後而今便到玉皇前題畢夫

婦連臂高唱出城渡江去丁歸發其葬惟牛肉而已 神仙傳

甘凝晚唐人世居浙之丹陽舉進士不就入三茅山修真煉

形旣乃挈家游江南卜宅軍峯下闢荒榛爲良田振貧恤

孤歲當旱曠能驅役風雷其法以破竹爲圓畫地爲壇各

置其方令童男女轉之隨所轉而雷聲發已乃大雨或久

雨妨獲則爲丹書焚之立霽有疾者爲篆符使服之無不

愈其逝之日雷風大作召家人來前曰後四十年當有聖人出天下復平汝等無忘忠孝必有大吾門者言畢沐浴正衣冠而化既而里人有過之傍郡者始知其尸解至今土人祀之水旱疾疫禱輒應宋季曰之則曰晉曰開曰希聖明代曰霖曰來授科第躋膺仕皆其後也

南豐州志

南唐

張洞宣貴溪人漢道陵十八世孫精通道術昇元初自龍虎

山來南豐石仙巖巖爲軍山神所棲洞宣聚石爲壇作石室方廣二十丈修煉其中先是巖前飛石擲人人不敢近洞宣篆符於石壁上患頓息後委蛻葬於山腹

名勝志南豐州志

宋

建昌府志

卷十

雜類

僊釋

五

魏元吉通經史能詩未冠時白父母欲求長生術遂披褐躡屣游名山至南豐元貞觀全神葆真風聞遠邇南唐召至金陵紫極宮講道德黃庭經宋真宗時應召入玉清昭應宮焚修久之乞歸居妙靈觀年九十一謂其徒曰吾已奉帝命召爲仙官翼日當往厥明留頌曰去來無蹤跡大塊一飛塵遂解化著慕真秘要山居詩百篇

南豐州志

冷真人太宗時寄跡石仙巖縣尉王博文與之往還一日詣王別云欲有所往乃叱巖前樟樹使開坐化其中時咸平辛丑歲也治平中樹穴復合縣官斲而視之其貌如生寶祐癸丑風雷拔樹仆地軀尙儼然

名勝志

杜永期字子安師事游惟諤得道居石仙巖宋神宗時選天

下術士三十人永期與焉勅在中大乙宮賜號崇教嘗召
入禁中遣中使以高麗貢木瘦樽盛御酒賜之後乞歸舊
山買舟南下王介甫曾子固蔡元輔皆贈以詩

南豐州志

王文卿字安道號沖和子南豐人母夢赤蛇蟠於庭覺而有
娠元祐二年二月五日生文卿於縣東神龜岡幼卓異不
凡事親以孝聞嘗告其父有方外之志父歿辭母遠遊將
渡楊子江行樹澤中雨溟失路見燈前明就之有一老嫗
若逆旅得書數卷乃致雷電效鬼神之說天明乃息大樹
下初無逆旅渡江遇異人舟中謂他日相俟於神霄玉清
之天出絳囊秘文以授竟失所在已而還軍峯密修大洞
迴風合景之道以道法濟人甚驗皇叔祖廉訪淮南卧疾

建昌府志

卷十

雜類

僊釋

六

文卿愈之聞於朝詔真州守臣賈公望以禮聘之不赴復
詔道錄董沖元同監司守臣厚禮之乃行時徽宗崇尙道
教賜見問對稱旨拜玉府右極仙卿寵賚益厚固辭不受
適宮人疾詔劾崇禁中有驗俄雷震白龜一上飲之酒拜
太素大夫凝神殿校籍父肇贈承事郎母江氏贈宜人
是年冬將有事於明堂苦雨命禱之立霽拜金門羽客自校
籍升侍宸賜號沖虛通妙先生加贈父曰承議郎母曰令
人淮南北以無雪奏上憂麥仍命以禱遂大雪盜起山東
請醮於內庭命神力助討他日獻捷者言交戰之頃天大
雷雹賊乃潰上歸功於侍宸轉沖虛大夫揚州早上命禱
雨對曰下民積罪凡川澤悉禁惟黃河可借三尺遂仗劍

禱之數日揚州奏得雨皆泥潦上悅侍宸預知天運數奏請修政練兵上不納遂請歸上繪其像親爲之贊抵鄉惟怡情山水居郡城元妙觀道行益高鄉里無水旱疾疫兵革之事高宗累徵弗起紹興二十三年自持法書劍印入軍峯石室藏之八月二十三日爲酒食召鄉里飲別自題其棺曰此身非假松板非真牢籠俗眼跳出凡塵擲筆卧棺中是夕雷電交作葬神龜岡舉棺甚輕蓋尸解云次年有人自龍虎山至言上元黃籙道場文卿住三日方去里人符行中自蜀還亦言道遇文卿人蜀至今元妙觀神龜岡皆祀之祈禱雨暘皆靈異

謝氏二女者姑嫂也嫂爲南豐楊氏嫁南城謝氏花燭之夕

建昌府志

卷十

雜類

僊釋

婿與家人不見其形惟小姑見之嫂謂姑曰姑宜出我將去矣問何之曰仙姑喜曰盍偕我遂俱從窻隙出家人物色之則嫂蟬蛻北湖姑蟬蛻南湖矣里人置像二山歲旱

祈禱輒應

饒循文山記

白玉蟾瓊州人名葛長庚母以夢呼玉蟾也年十一舉童子科於黎母山中遇異人授洞元雷法後居武壑山下嘉定中徵赴闕奏對稱旨命館太乙宮一日不知所在後歷遊名山至仙都有黃冠師鄧適軒與玉蟾小集逍遙山復窮厯麻姑諸勝題曰小有洞天玉蟾入水不濡逢兵不害神異莫測自號海瓊子或號海南翁或號瓊山道人或號蟾菴或號武巨散人或號神霄吏人云

續文獻通考白玉蟾麻姑賦序

王嗣文南豐人文卿從孫也家貧從商人入蜀親見文卿於道中弗識也執手江潯多所傳授命以名曰嗣文令翼日渡江會某觀中至則無人惟文卿畫像蓋侍宸祠也又明日又遇以幅紙與之曰此孫至家上官甥以吾書盡授之比歸告上官弗信出其書相示果師文卿手跡也號慟仆地遂盡以教之甯宗朝嗣文法亦大顯賜號妙濟虞集神龜岡碑

書後補

楊權字正夫盱江人少穎悟不羣聞張真牧有道行往從之授以九返之術後舟次九江泥沱嘴遂結茅修煉其中時大疫施以符水輒效嘉熙四年語其徒曰吾今歸矣乃留偈曰七十九年夢覺五湖四海隨緣撥轉雲頭歸去曉日

建昌府志

卷十

雜類

僊釋

八

東生亦然危坐而逝咸淳中封通慧孚惠真人

續文獻通考豫章書

馮伯達盱江人有神術嘗南行阻風謂船主曰欲得速還須安眠勿開眼舟中人但聞舟去如飛聲刺刺如行樹杪未

曉已達舍矣

一統志

毛道人南城人少不娶父母既終遠遊三十年還家寡言笑夜坐欠伸光自口出富家慕道者杳無一言怪而問之曰吾藜藿之腸何能陪膏粱之腹與讀書人掉書語哉慶元元年坐亡於南豐逆旅焚時骨連環不斷有物如錢大色白如玉雪堅而瑩隱然通明有人影跣跣而坐

夷堅志

元

江無隱字希達新城人居鶴仙觀中至元中召入內庭尋乞

歸賜劍及法衣因建高閣藏之

新城隆慶志

鄭孟倫字玉泉南城人幼遇異人授五雷法能役鬼神至正庚子旱孟倫結壇於三峽橋投符水中頃刻雷電大作驟雨如注預知化期趺坐而逝人稱爲鄭真人祀於元妙觀王侍宸殿云

麻姑志

汪朝道字月澗貴溪龍虎山人性好道修煉武當十餘年有得遊新城愛金峯之秀因棲止焉山故無水朝道取劍劈石涓涓流味甘而冽餘蔭數百畝日峯邱真人亦有法術歲旱兩人禱戲以茅畫水中訂石峽嶺上爲邱兩嶺下爲汪雨已而雨先後至皆不逾域常牧牛牛渴朝道坎山巔不盈尺牛飲不竭遠近取其水禱雨立應至正十五年遍

建昌府志

卷十

雜類

僊釋

九

詣仙鄰告以某日將化去仙鄰如約至則已坐化巨桶中矣其徒李大顛在京師見朝道至寄書回山中比歸則朝道逝已半載葬雷壇側啟視貌如生遂卽其像塑之二十一年勅建道院洪武十二年賜額大有觀至今禱輒應

江以碩大

有觀志

明

胡古厓新城人仁宗監國南京徵至命禱旱應時而雷雨作嘗建醮羣鶴繞壇上異之欲受其術乃以清虛非王者事對後北迎嗣統欲與俱行懇乞歸命主武當山賜袍笏兼

作詩送之

子孟志

大腹子不知何時人萬厯間常遊盱乞食城市言人禍福多

中所乞錢米隨手轉施羅近溪敬禮之後不知所終

孟志

唐

上弘紀禪師姓饒氏南城人大歷中隸業景雲寺與相國婁輔刺史顏真卿本道廣使楊憑韋丹友善講四分律坐甘露壇度男女萬餘人上卯年十五從舅氏剝落二十二從南嶽大圓具戒貞元初居洪妙龍興寺設法元祐十年示滅於東林精舍

白居易塔銘名勝志

禪嶺僧唐明皇世有僧結菴南豐禪嶺不知其名趺坐不食者十年一旦化去里人祀其真身於菴今屬廣昌

名勝志

崇儼得法于石霜楚圓和尚住大平禪院升堂日會者萬計

據牀安坐如鐘鳴如谷響重昏宿永解雪釋

李泰伯大平寺記

建昌府志

卷十

雜類

僊釋

十

謝禪師天祐二年自閩中來開山於南豐之覺源化城二寺

一日在覺源以兩缸相合坐化囑沙瀾於七日後開缸沙瀾違戒先二日開之禪師即步入化城寺跣趺而逝塔在

寺洞中

南豐縣志

紹隆禪師得道於新城福山每坐禪巨石竟日忘歸能詩題

朱槿云朱槿移栽釋梵中老僧非是愛花紅朝開暮落渾

閒事祇要人知色是空

新城隆慶志

宋

景祥姓傅氏南城人永新令翼之子少警敏嗜學廣記一日聽道人有琦說法大悟乃削髮參禮名師四方迎請俱不受建炎末避地天台從闍帥大吉山之請行未越境爲范

明

行保南城人幼慕禪教入慈真院為僧言訥而心明洪武中住持演法天甯寺大振宗風叢林歸之後舉天下高僧十
一人行保與焉 一統志

孤月居廣信月峯山後移錫從姑山一日過頂山寺隨者百餘人邀入寺談法孤月沐浴更衣作偈示眾曰昔大未曾生吾今還示滅雖然現涅槃幻滅非真滅頌畢竟寂火化時烈焰中異光一道上逼斗牛間眾於瓦盆中得舍利一顆晶光瑩然弟子無像習內典通儒術著聖門心學一卷益藩召住章山寺 孟志

慧經號無明出家依廩山忠禪師尋住靜峩峩峩峩傳燈大好

建昌府志 卷十

雜類

僊釋

十一

公案疑情頓發一日因掘石石忽裂大悟作偈曰來參無上菩提道急急疏通大好山悟後始知山不好翻身跳出祖師關後遷新城開山壽昌寺先是西竺有識云壽昌好牧牛西竺再來遊師至果符其言又有道盛字覺浪應黃端伯請主壽昌著有語錄等卷 新城志

大成號竺菴七歲能詩初薙髮南嶽閉關十年禪理大悟即參博山又十年駐錫棲霞以文字名禪或一題數十篇或一篇數百韻金陵士大夫多重之聞新城壽昌火中夜披緇起慨然曰此我祖道場也遂跋涉至壽昌與鄧來沙募貲重建著有會聖集指據錄及攝山南嶽諸稿 孟志

國朝

埋菴和尚主南城周陂廣遠菴與徐芳蕭韻相印可工詩有
埋菴集傳世後遊普陀圓寂於南海觀音寺

幼仙詩話

大方姓李名珙字共玉南豐人明諸生種學積行爲人篤摯
少文與人交無貌言後棄青衿皈依廣濟爲弟子名圓智
字大方痛通濟橋壞矢募建與大力曰立大有闕前向人
稱說布施功德人爭踴躍投錢夜則與大有共論宗乘又
嘗參學遠方喜言三教合一林權齋闢之大方終是其說
而憂確齋病特甚方募橋時大方垂七十視諸少年僧相
繼死竟攻苦茹淡勞跋涉募貲終橋事所存雜著一帙大
約依於忠孝

魏和公集

雜類志卷十

塋墓 卷十之二

首陽片石幾閱星霜柳下一坏禁民樵採邱墓之於人重矣夫其生也有為則其沒也不朽精魂爽魄照耀千秋豈尋常草木同腐者所可託哉今考自唐迄於明代已見舊志者比而書之九原如可作也吾誰與歸

南城縣

唐

危全諷祖墓

縣南七十里界潭全諷刺撫州追封南庭王其後裔陳官建州守過南城祀其祖塋鑄家傳于石蔣顯叔詩撫信兩州遺愛在路人遙指界潭墳

宋

建昌府志

卷十

雜類

塋墓

進士陳瑒墓

大平鄉李觀志銘

贈司空員外郎蔡希墓

大平鄉西會鞏誌銘

直講李觀墓

北郭鳳凰山鹿門人陳次公誌銘明成化間知府謝士元修羅倫有記

贈縣尉王瑜墓

裏屯原王安石表墓

侍郎王羲叔墓

水西

追封衛國公聶子述墓

勅葬四十四都明嘉靖十五年知府王度修立神位於無極觀崇祀

封南城郡侯包恢墓

勅葬縣南洪源

封清河郡侯張大經墓

勅葬良湖

理學傅夢泉墓

曾潭

贈少師曾漸墓

大平鄉

元

封楚國公程鉅夫墓

勅葬大盤山之繞堆其夫人徐氏墓在師岡熊朋來撰神道碑趙子昂書

孝子黃覺經墓

十四都洪樹下

明

益端王墓 金華山

益莊王墓 二仙山

益恭王墓 資聖山

益昭王墓 華蓋山

益宣王墓 七寶山

益敬王墓 女冠山

益定王墓 女冠山

益末王墓 王死難廣州奄人李翔時歸櫬附葬

二仙山莊王寢園

布政使饒禮墓 銅盤山

按察司副使王增墓 大富山

按察使鄧榮墓 榮死土木之難遺骸未歸其子瑞以平昔所收爪髮字蹟葬小竺社林鄉朝廷遣官諭祭

太常卿程南雲墓 勅葬麻源

布政使左贊皇墓 麻源何喬新表墓

布政司參政李永年墓 大富山

布政司參議饒晞墓 麻源

贈禮部侍郎張文質墓 麻姑山

贈吏部侍郎羅大矩墓 磁龜

僉事江徵墓 六都小雞

按察司副使王華墓 燒州

建昌府志 卷十

雜類

塋墓

二

知州黃壽墓 豐州

贈通判夏泉墓 東美蓉山

贈太子太傅張昇墓 上湖源

禮部尚書羅玘墓

布政使張恩墓 在麻姑山

同知陶清墓 在釣鐘山下

贈太常卿夏良勝墓 在鳳凰山下

同知黃有仁墓 在夏家橋

贈郴州知州范沂墓 在歐陽鐸志銘

知州鄭嶸墓 在獅子山

貴州道監察御史陶復墓 在蕭家爐馬

贈指揮同知李瓊墓 在程燦銘

教諭左海墓 在眠大山

苑馬寺少卿程燦墓 在崇觀

教諭蕭元吉墓 在沙溪渠源

封刑部主事羅錦墓 在綱

刑部郎中吳衍墓 在童家山

岳州府同知夏寶墓 在瑞坑祭

參政羅汝芳墓 在曾潭

潛山知縣蕭鵬墓 在小灘鄧元錫銘

左布政邱浙墓 在廣州大守洪有助銘

贈大理寺卿周朝瑞墓勅葬三十

贈大僕寺卿鄧維垣墓在新城公口

應天府府丞王一言墓在塘 彌勒知州陶標墓瓜嶺

刑部郎中鄧允涪墓在三十 徽州同知許璜墓在金塘

太僕寺卿鄧鍊墓勅葬 江華教諭邱時行墓在石

南豐縣

唐

司空曾洪立墓三十三都

邑宰游茂洪墓在五十 都禳潭并妻子凡三塚舊責里正

洪及元州尹裴彥直功德在民墓存祭缺爰捐三十八都游家段麻畬等田一十九石分於學歲派門斗一人供其事積弊闕祭乾隆十五年趙整等呈縣改祭田歸廩生收管每仲春丁祭後一日偕趙姓紳士一人同往二處祭掃

建昌府志 卷十 雜類 塋墓 三

并及明訓導 莫與齊王霑

宋

贈大史密國公會致堯墓七都崇覺寺右王安石

中書舍人曾鞏墓勅葬七都崇覺寺右孫固志銘韓維撰神

儒學師生 例祭其墓

翰林學士曾肇墓勅葬十都飯信寺

贈光祿大夫朱軾墓五十二都 著作郎曾庠墓龍池

司業朱京墓在六都馬退石之蛟塘或云

知州裴彥直墓三教 侍郎朱彥墓勅葬龍池鄉

徵士黃文晟墓石仙巖陸 劉元載墓石溝劉家窠

贈盱江郡侯陳宗禮墓勅葬南城九

待制符行中墓縣法興寺側

元

教授劉燠墓在四十四都蔡家坑吳澄志銘

明

參政趙濟墓九都魚湍水廟後

運使趙郡墓八都黎樹山

贈禮部侍郎趙師聖墓龍湖

副使李玘墓舊山川壇側

副使李立墓在一都繡衣峯

大僕少卿趙京墓東坑堡翟世琪銘

贈知州鄧汝相墓十五都新田

羅源知縣謝晏墓三都成山

理學李經綸墓五十五都塘坊

按察王璽墓在四十三都連家灘東岸

副使李萬寶墓三十七都荆灘橫坑羅汝芳志銘

同知曾思孔墓四十九都黃鷄源

知縣徐鉞墓在四都南源

建昌府志 卷十

雜類

塋墓

四

貢士劉冠寰墓在四十五都楊家砦李來泰志銘

贈大理寺丞忠烈蕭漢墓勅墓九都楊家港祝家塘

知縣胡深墓九都下劉金印山

教諭劉垣墓在五都大排上

知縣趙伯里墓在八都石溝

兵部尚書湯來賀墓日月湖

新城縣

宋

南康簿王无咎墓禮教鄉王安石志銘

狀元張淵微墓縣北廩山後

尚書鄧潤甫墓禮教鄉普光寺後

侍郎劉鏡瑞墓在十一都全坑向志墓南

城十九

駙馬余鋒墓在大源鎖口紹興十一年鋒父去非扈從孟太后有功許以公主配其子鋒後卒勅墓于此見

通志

元

富州牧朱彬墓 隄狗嶺

遂安令殉節朱倬墓 四十八都松山

明

國子助教朱大中墓 勅墓前 楹山

給事中何澄墓 盧江

處士涂菊隱墓 在邑南 楓山

翰林涂敬墓 在烏石

僉事鄧義墓 縣南郊 厚山

主事涂順墓 天峯 之陽

知縣朱徽墓 塘坑

知府何垵墓 盧游門人 鄧杞銘

郎中李泰墓 石硤

同知陳衮墓 仙居 觀後

國子祭酒王材墓 北關 外

贈尚書張櫃墓 勅墓 龍尾

翰林待詔鄧元錫墓 盤溪許子 遠志銘

贈尚書張廷用墓 壽昌寺 後山

知縣贈中憲大夫王祿墓 妙法寺 後

光祿寺少卿馮渠墓 三都 烏斗

建昌府志 卷十

雜類

瑩墓

五

贈尚書涂朝敬墓 西城 石磑

尚書涂國鼎墓 黃沙渡 徐芳墓表

知府涂雲雁墓 邑北 象山

主事殉節黃端伯墓 九都 孝橋

巡撫鄧漢墓 勅墓南 城柯嶺

侍御鄧澄墓 盧游

高士黃嘉縉墓 縣東魏禱 撰墓表

廣昌縣

宋

學士何坦墓 在安上里 蓮花峯

明

贈刑部員外曾宓墓 桃竹

推官何濤墓 在吳由里 嚴家園內何吾騶銘

御史魏卓墓 南城二十八都 魏坊六臺山佛殿後

按察司賴巽墓 在佛流口 何文淵表其墓

參政賴瑛墓 在新坊里 大翁山

吏部尚書何文淵墓 揭坊里 順化坪

知府陳嘉謨墓在麟角里龍王坑口 兵部侍郎揭稽墓在揭坊山寺徐瓊表

刑部尙書何喬新墓東隅譚家園 雲峯饒秉鑑墓南應山

知府曾梧墓安上里羊畚岡 刑部侍郎何源墓勅塋監南里姚家坊

贈刑部侍郎何錢墓吳由里 副使羅萬程墓在揭坊里高坑

吏部文選郎劉文卿墓五湖坪 通判李春和墓在干善里南中

贈左布政使劉承恩墓在揭里高坑 左布政使劉伸墓楊家嶺六尺

贈知府黃必登墓東隅白竹坪禮部郎中湯顯祖銘

文學魏邦泰墓文會里東林山

瀘溪縣

宋 李子高墓在三都葉原李翽撰墓表 樞密副使李山甫墓五都龍溪槐坪

建昌府志 卷十 雜類 塋墓 六

明 知府石文器墓匹都杜藍揭重熙表 通判饒廷直墓八都

隱士陳子野墓十二都陳坊 貢士傅汝掄墓普濟山

進士李淞墓五都陳畚 金華守備李大開墓在十五都雙溪

際村

姚志所載 國朝諸家之墓已遵 前方伯王公所批概行刪去唯是所載明代以前者亦屬雜而通志舊府志各縣志所載均無義例可尋今于中核其無本傳事實及無墓所者不書餘錄如右

雜類志卷十

祥異 卷十之三

怪異之言聖賢不語休徵有兆經傳必書建郡庶徵自孫吳太平逮

熙朝聞見詳載百氏蓋皆徵諸文獻而足以動人觀感者此編所輯循前代紀載益後世搜羅書之以誌天人之

互驗

吳

太平初南城產嘉禾 豫章書

宋

景祐三年丙子夏南城大水東洲積尸如蟻知軍事劉忠順

建昌府志 卷十

雜類

祥異

募舟發粟賑之

縣志 以下未註者皆係高志及各縣志所載

皇祐二年庚寅夏六月南城大水 李盱江集

治平元年甲辰大水

熙寧間南豐民游側妻劉氏產鮎

紹聖元年甲戌南豐天授鄉一夕大雷雨有砂礫聲旦日視

之一山高丈餘

在今廣昌縣治東南名天堆 輿地紀勝

靖康二年丁未軍學火

嘉泰二年壬寅廣昌金芝產縣廨田有嘉禾

紹定三年庚寅廣昌文廟燬 四年辛卯軍治火南城縣治

亦火南豐大飢

咸淳四年戊辰五月南豐大水拔廬舍傷田稼

元

至元二十七年庚寅七月江西淫雨建昌諸路水皆溢元史

大德七年癸卯夏五月南豐州飢命減直糶糧元史

延祐元年甲寅秋八月建昌路水發廩減價賑糶元史 二

年乙卯夏四月建昌路飢發廩賑糶元史 三年丙辰夏

四月南豐州饑發廩賑之豫章書 四年丁巳秋七月南

城產嘉禾元史

至治元年辛酉夏四月建昌路民飢發米賑之元史 三年

癸亥南豐州民飢賑之元史

泰定元年甲子秋八月建昌水大飢賑糧有差元史 二年

乙丑夏四月南豐州飢以糧賑之元史 秋八月建昌路

建昌府志

卷十

雜類 祥異

二

飢糶米賑之元史 三年丙寅春建昌路飢糶米三萬石

秋又飢發粟賑之元史 四年丁卯秋九月建昌路飢賑

米萬餘石元史

至順元年庚午建昌路飢賑糧一萬餘石鈔二萬餘疋元史

至正十二年壬辰大旱 南城縣學燬 十三年癸巳南豐

大旱 十四年甲午建昌大飢人相食元史

明

永樂五年丁亥建昌疫豫章書 六年戊子正月建昌自去

年至是月疫死者萬餘人明史五行志 十一年癸巳建

昌飢豫章書 八年癸亥新城飢 十三年戊辰秋有怪

墜石於南城學丁祭日夜三更明倫堂暨東西齋從空懸

石而下石有苔重可四五斤惟大成殿飛石不到

景泰四年癸酉新城飢 冬建昌疫 明史五行志

天順六年壬午南豐縣學火

成化九年癸巳南城大飢 十年甲午南城大飢 十七年

辛丑南豐大飢

弘治十年丁巳二月己卯新城雨水雹民有凍死者 明史五行志

行志 十三年庚申秋七月甲寅南城空中有火乍分乍

合流光下墜十餘丈隱隱有聲燬軍民廬舍 明史五行志

十四年辛酉南城城市民居火知府舒崑山發粟二千

四十二石賑之 十五年壬戌二月朔南豐地震十五日

南城廣昌地震 十六年癸亥大飢知府舒崑山發粟九

建昌府志 卷十

雜類

祥異

三

千五百餘石賑之 十七年甲子大飢知府舒崑山發粟

一萬七千餘石賑之 春二月雷擊府學大成殿撤鴉吻

中佛經 初以府學舊址封蓋藩改聖殿于天甯寺 後因雷擊始撤而新之 田汝耕學宮記 十八

年乙丑秋廣昌大雨霧凡兩月民病且死者相繼 明史五行志

正德三年戊辰秋七月廣昌黑眚自縣庫出至縣廳入於獄

有聲如裂屋 豫章書 四年己巳夏六月廣昌雷火焚縣

儀門雨雹皆作冬十二月復焚 豫章書 八年癸酉新城

旱 九年甲戌春旱五月方雨 秋雷震府學大成殿

十四年己卯夏四月大水新城橋折城陷民居多漂沒

十五年庚辰夏六月雨雪 十六年辛巳地震 嘉靖元年壬午秋九月建昌地震有聲 豫章書 南豐自元

年至四年皆飢 五年丙戌七月南城有虎具人手足癸未南豐雨雹大如盃形如人面 明史五行志 八年己丑

夏五月大水平地深丈餘漂沒廬舍 九年庚寅新城大

飢 十年辛卯南城河東居民火太平橋燬 十一年壬

辰夏建昌蝗 江西安志 十二年癸巳夏四月建昌大水

江西安志 十一月地震 十四年乙未夏五月大水

十九年庚子大飢民多殍 十二月大雨雷鳴如夏 二

十三年甲辰夏飢冬十月合郡大飢死者無算至乙巳夏

乃止 二十四年乙巳南豐旱 二十六年丁未察院災

火自城外飛入 二十八年己酉歲大有百產俱富 二

十九年庚戌南豐大有年 三十五年丙辰夏四月南城

建昌府志 卷十

雜類

祥異

四

大水 三十七年戊子南豐淫雨城壞 四十年辛酉冬

南豐大疫 四十一年壬戌南豐縣學櫺星門災夏大水

四十二年癸亥春二月建昌大疫 江西安志 南豐大

水 四十三年甲子南豐飢冬雷電 四十五年丙寅大

飢

隆慶元年南城縣治火僉事張祉命投縣門牌於火火頓息

三年己巳南豐旱 五月辛未新城廣昌大有年

萬曆元年癸酉夏南城大雨雹南豐旱 二年甲戌夏澇

三年乙亥夏南城大水 冬南豐大疫 江西通志 六年

戊寅南豐大疫 七年己卯夏五月澇溪下黑麥狀如樟

子炊之可食六月雨雪 南豐旱 江西通志 八年庚辰

南豐旱 江西通志

夏六月瀘溪雨雹大如雞子裂屋瓦

折樹枝七月地震聲轟如雷河水湧起 十三年乙酉南

豐有年 豫章書 廣昌宣化門內外城樓火 十四年南

豐大水傷稼 十七年己丑建昌五月不雨大飢 江西安

志 秋七月大疫 江西安志 二十年壬辰秋廣昌縣治

火 二十一年癸巳六月十一日夜新城大雨震雷城中

外水深數丈縣治學宮倉糧卷册庫獄盡淹橋梁傾圮人

民禾稼漂沒無算知縣鄧仲元申報賑恤 三十二年甲

辰秋七月瀘溪地震冬十一月又震房屋柱礎皆裂十二

月南豐地震 三十七年己酉瀘溪大水傷田稼 四十

年壬子瀘溪大水壞田畝八月雨雹大如石塊有稜角

建昌府志 卷十

雜類

祥異

五

四十二年甲寅夏南豐大飢秋冬不雨 四十三年乙卯

冬十二月益府災凡燬寢宮殿廡二百六十餘間 其後屢

奏與修卒以工大未果 藩政奏草

天啟六年丙寅秋八月南豐文廟火 七年丁卯瀘溪旱

夏六月廣昌河水高一丈衝破順化渡文昌橋

崇禎元年戊辰春二月南豐雨雪大寒河魚凍死 秋七月

新城大水損禾稼冬十月八日夜震雷大雨雹木幹盡折

二年己巳夏五月新城旱 五年壬申夏南豐雨黑米

味如麻大飢是歲廣昌亦飢新城旱自五月至九月不雨

民大疫 六年癸酉二月建昌生豕二身一首八蹄二尾

明史五行志 七年甲戌夏五月新城旱八月飢 九年

丙子大飢米穀騰貴

江西安志

是年府學明倫堂火

蔡

國用學宮記

十年丁丑夏六月新城飢大疫秋七月火

仁里街至夏市街燬房屋百餘家 十一年戊寅瀘溪文

廟燬 十二年己卯南豐新城有年 十四年辛巳夏五

月新城大水傷禾稼 十五年壬午夏四月南豐飢 新

城大飢疫 十七年甲申春正月新城大雨雹 二月天

赤如霞注雨如血 瀘溪地震民疫死者無算

國朝

順治二年乙酉夏五月新城大水 秋七月府城外河東民

居火太平橋燬城內火南城學燬九月南豐四郊民居多

火通濟文明二橋燬 三年丙戌夏五月不雨至於冬十

建昌府志 卷十

雜類

祥異

六

月 江西安志

四年丁亥大水民大飢

江西安志

五年

戊子新城飢 六年己丑瀘溪斗米錢六百民大飢官賑

之 十一年甲午瀘溪大疫 十三年丙申旱夏五月大

火 十六年己亥廣昌宣化門城樓火 十八年辛丑大

水 江西安志

康熙元年壬寅祥雲見

江西通志

四年瀘溪大水旱 五

年丙午旱 七年戊申夏六月雨黑沙 十年辛亥夏四

月大水六月至七月旱 十一年壬子新城飢瀘溪旱蝗

疫 夏四月南豐大水 十五年丙辰春府學大成殿災

江西通志

南豐大疫 十六年丁巳南豐大飢 十八

年己未秋旱 江西志

七月瀘溪霜降有蝗 二十二年

癸亥夏瀘溪大水 二十七年戊辰夏六月瀘溪連日大雨平地水高數丈民溺死者衆 三十五年丙子夏飢官賑之又減價以糶廣昌飢民聚衆搶穀 知縣王以坤擒其首律之餘黨皆散秋大有 三十六年丁丑廣昌飢 四
十三年甲申閩郡飢奉文平糶官募富民出粟助賑 夏六月廣昌大水 五十二年癸巳大水 五十六年丁酉瀘溪飢 五十九年庚子秋七月瀘溪旱 六十年辛丑旱自五月至八月不雨 六月南城三都溪水驟發平地高數尺傷田稼 六十一年壬寅廣昌飢
雍正四年丙午夏五月廣昌大水 五年丁未廣昌大水 九年辛亥夏南豐聚和城樓火 十年壬子有螟形如蚋

建昌府志

卷十

雜類

祥異

七

土人取松明夜燃於堦蟲蔽空而下投火破凡二十夜乃止 十一年癸丑飢官煮粥賑地方紳士亦多煮粥以助
乾隆元年丙辰有年 五年庚申十月南城民劉甯妻一產三男 七年壬戌秋有螟 八年癸亥大飢奉文賑恤五
邑紳士耆民多出粟助賑 十三年戊辰旱 十四年己巳新城大有年 九月二十日夜南城十字街火延百數十家知縣趙丹樞捐貲賑恤 十五年庚午廣昌大水
二十一年大有年 二十九年瀘溪出虎白晝傷人 三十三年南豐歲祲自正月雨至七月閉北門祈晴 四十年大飢 五十年瀘溪大雨雹田屋蔬麥所傷甚多 五十七年南城大水 南豐大水奉 旨賑恤

嘉慶五年南城大水 南豐大水惠政橋圯羅坊漳潭等處
田廬漂沒 廣昌大水請 旨賑恤 六年南豐歲飢斗
米四百零錢 七年新城大水惠德橋圯 十年南城正
月十六城內四街火 新城歲飢 二十三年新城萬佛
塔火 二十四年新城復火正月初一南城四街火 二
十五年南城大旱 南豐大旱 新城大旱 瀘溪大旱
三月不雨

道光元年南豐歲大有 新城蝗大飢 廣昌五星聚奎
六年新城四月旱七月螟傷禾稼 七年廣昌谷生蠹襪
之乃滅 十年新城大水 十二年新城春夏連雨百日
歲大歉冬雷鳴 十四年南城大旱 南豐大疫歲飢升

建昌府志

卷十

雜類

祥異

八

米百錢 新城蝗 廣昌大飢斗米千錢 瀘溪大雨飢
甚 十五年南城蝗 新城大疫 廣昌大疫 十六年
新城飢譙樓火 二十年瀘溪太白經天長數丈月餘始
沒 二十三年廣昌白氣見東方數十丈尾西指月餘始
沒 二十六年新城雨雹大風拔木 二十八年南城大
水 三十年新城大水 廣昌歲大有
咸豐元年新城狼入境食畜傷人 二年南豐十二月雷
三年南城羅坊民間豕產象一日斃 新城彗星見 四
年冬新城竹花盛開 廣昌患蛟水西南北三城衝破平
地深丈餘城內衙署民房淹沒無數請 旨發帑三千金
賑卹 五年南城虎至南門獵戶擊殺之十一月桃李花

新城冬至日雷鳴 廣昌大有年 六年南豐大雨雹
狂風拔木空現龍形 新城三月黑氣遶城 瀘溪虎入
城是年粵匪至 七年瀘溪彗星見 八年新城飢 廣
昌彗星見光十數丈 瀘溪大疫空中礮響聲宏兩刻始
止耆人以爲天鼓鳴云 九年新城四鄉豺狼噬人 十
一年南豐長星竟天越三日變爲彗 廣昌八月朔日月
合璧四星聯珠 瀘溪北方彗星見上樸州福王殿青蠅
集其上高數尺橫飛至村橋約數十丈

同治元年南城大水衝塌太平橋東五甕逾二年修復

南豐大水 新城城震大水 瀘溪地震牀榻搖動有聲

牛馬雞犬嘶鳴夜至天明始息 二年南城自賊圍郡城

建昌府志

卷十

雜類

祥異

九

被兵後城鄉大疫失業飢民填溢道路設廠賑以粥 新

城疫 三年南豐西鄉竹生人物狀 新城大飢請 旨

賑卹 瀘溪鄉聞夜靜聞鬼哭聲穿街過巷數十里皆同

七年南豐雨黑米 八年南豐大水二次雨豆如人面

形又雨粟黑色 新城飢大水 瀘溪久雨水漲山腰裂

數丈居民聞鉦鼓聲黑霧中似有神物騰去逾日始息

九年新城大雨城市水深六七尺 十一年二月新城大

雨雹

雜類志卷十

軼事 卷十之四

史官紀傳聞不紀凌雜去紛也顧志與史同亦有與史異者古今軼事辭本凌雜似無與於義理之精微而其言有關世道人心者備書以為勸懲之一助

唐時開福撫二州山洞置汀州自今考之州南境舊為新羅隸泉州北與石城南豐將樂建甯泰甯為鄰南豐隸撫州而建郡猶未郡諸縣所隸非撫即福時閩中只福建泉三郡耳故以福撫二州言而四山崇峻盤互交鎖其民獐獍郡盜屢作當時謂之山洞固宜 汀州府志

唐季豫章之亂極矣鍾傳起鄉兵策功已而驕恣其下復亂

建昌府志 卷十

雜類 軼事

賴危全諷彭玕兄弟起粗定一方傳奏全諷為撫州玕為吉州楊行密背唐建號江西從之獨全諷及玕仍唐刺史之號各守境土以拒行密則二人者特立不從亂固唐之忠臣也 解學士集

慶曆四年南豐初建學會魯公易占作學記乃其子南豐先生十八歲少筆代公作也所謂不本之道民成化而至于辭一語甚有味蓋指科目辭章之弊而言夫武之弊削方鎮也文之弊徒尚辭也二柄既失矣欲強且久可得乎 隱居

通議

熙甯六年冬建軍距城五百里甘露降于進士徐上交別業松上交折獻于太守張郎中子方子方率僚屬觀之欲

以上聞時有野夫賣藥于市者語人曰露從天降必徧于數畝豈止松乎吾嘗客華陰縣民亦有以甘露告縣者令因出按之有道人笑焉令怒械繫之道人曰譬如人身精液流通均布六七十年中若夫壽促必涌併于未死之前此松殆將槁耳至期果驗子方聞之乃已

能改齋漫錄

曾子固舍人爲太平州司戶時張伯玉璪作守歐公王荆公諸人皆與伯玉書以子固屬之伯玉殊不加禮一日召子固作大排惟賓主二人亦不足一談也旣而召子固于書室謂子固曰人謂公爲曾夫子必無所不學也子固辭避而退一日請子固作六經閣記子固屢作終不可其意迺謂子固曰吾試爲之卽令子固書曰六經閣者諸子百家

建昌府志

卷十

雜類

軼事

二

皆在焉不書尊經也其下文不能具載又令子固問書傳中隱晦事其應答如流子固大服始有意廣讀異書矣

紫微

詩話

熙甯末文定公鎮洪州兼江西兵馬鈐轄文肅公自饒州移鎮潭州道洪而西實隣境也文昭公時在館閣欲至洪省視母夫人假使指暫出文定公大合樂享鄰帥及詔使乃同氣三人親爲賓主文肅公魏夫人文筆素高遂爲口號一聯云金馬並遊三學士朱幡相對兩諸侯蓋文定帶帖職文肅歷翰林文昭現任館閣皆學士也時人賞其切而

羨其榮

南豐州志

元豐五年壬戌更新官制裕陵選用文定公居西掖專詞命

文昭公爲吏部郎中王左選乃六曹郎官之首訓詞寔文定公筆元祐三年庚辰十月八日滿散天甯節密院齋筵故事侍從官皆與坐文肅時爲元樞文昭方在翰苑兄弟對席居從官之首朝班榮之甫終席布快行親從官立庭下宣召內相鎖院文昭公亟上馬入禁中命坐賜茶受詔則文肅爰立之命也文昭公起立欲辭未及奏徽宗遂宣諭曰已檢見韓終韓維故事更不必辭遂奏詔歸院故時人爲之語曰兄行弟制弟草兄麻南豐州志

南豐續稿有喜似一篇爲介甫作尊敬甚至及其得志則與之異故過王介甫歸偶成云直道詎非難盡言竟多忤知者尙復然悠悠誰可語隱居通議

建昌府志

卷十

雜類

軼事

三

劉淵材憾曾子固不能詩予嘗見宋人所輯唐宋八家詩韻則子固與焉不得謂非詩家矣而論者輒言文勝于詩非知音識曲者也靜志居詩話

文肅公鎮瀛州日

瀛州卽高陽關今河間府

文昭公鎮金陵一日詔曾布

知江甯府曾肇知瀛州遂成兩易自爲交代尤人間兄弟盛事也文肅公將離瀛有詩寄文昭文昭和之各化其所鎮之郡今錄于此想見先朝文明之盛爲之慨然文肅過闕人覲就留秉政不及至金陵文肅詩云樓臺丹碧照天涯塞北江南未足誇十里烟波新種柳萬株桃李未開花一麾同下西清路兩鎮交迎上將牙回首林塘莫留戀風光還屬阿連家文昭次韻云文物河間信可嘉風流江左

亦堪誇水南水北干竿竹山後山前二月花久愧迂儒懷
郡紱聊須雋老駐軍牙兩州耆舊毋多怪魯衛從來是一
家 水竹詩話

紹聖中朱司業以父年高奏乞便郡詔與弟侍郎分使江東
西迎侍其父遊廬山山界兩路官吏交走迎侯道路駢肩
瞻望咨嗟不榮二公之貴而榮其父康甯得壽之多或以
北漢杜周兩子夾河爲郡議者謂二朱著朝望奉使江鄉
兩爲部屬又非杜氏所及 南豐州志

元符三年庚辰朱褒入京赴省次兄侍郎知貢舉陳乞避親
有旨牒別院收試別院又長兄司業知貢舉再陳乞避親
有旨更不必避親是歲登科 南豐州志

建昌府志

卷十

雜類

軼事

四

盱江曾節夫撫幹與張敬夫善敬夫有與撫幹曾節夫書入
首存集中遍求曾氏譜不見其人 強識錄

石致平字君任南城人淳熙二年進士授將仕郎任浙江仁
和知縣有異政後致仕父老扶杖攀號不能去請其衣冠
奉祀之致平攜父老所扶竹杖歸植于祖松所建進修書
院之傍遂叢生焉其竹四季生笋玉色密節俗稱爲老人
竹移植他處則不生蓋其德政之符驗至今不泯云 廬溪
萬曆

志

崇甯三年甲申歲文肅在衡陽貶所語其子曰汝等飲酒食
肉猶不滿意昔年朱夫人孀居家至貧吾與內翰兩人年
最幼每日夫人令劉知婆負內翰于背特緼火少許黎明

昌寒同吾入學夜則取歸一夕晚歸吾餒甚無所食劉知
婆求索僅得紅米飯半栝但以濫湯漬之又啟食櫃空空
如也冥授止紅柿一枝遂薦冷飯一啜而已

南豐州志

曾文昭公會氏出于邠國公自都鄉侯據南徙代有顯人至
于文定公鞏文肅公布文昭公肇起于南豐遂以文章名
天下學者同慕不啻景星之與卿雲而文肅之子司豐少
卿紆固守家法亦以詞章稱君子謂如魯殿秦碑見者珍
惜司農從孫季狸又能大肆于文言質而義正乾涸間名
公多敬畏之自時厥後作者繼軌要不可以一二數嗚呼
何南豐曾氏多賢哉

宋潛溪集

盱江包氏從朱陸二先生學一日自建甯至金谿陸先生問

建昌府志

卷十

雜類

軼事

五

曰元晦何言曰某爲朱先生求數大字扁堂室悉得之獨
光風霽月之亭六字有靳色曰姑少俟將歸再請又曰姑
少俟陸先生曰吾固知元晦不肯書此然人人有此光風
霽月吾當爲子書之至今其家揭陸先生之字於亭間

吳草廬集

廬集

蒼顏已是十年前把鏡回看一悵然履薄臨深諒無幾且將
餘日付殘編跋云南城吳氏社倉書樓爲予寫真如此因
題其上慶元庚申二月八日滄洲病叟朱熹仲晦父

朱文公自

題像

趙宗丞崇嶠字漢宗自號白雲山人居南豐爲人清俊灑落
富有文采超然爲宗籍冠嘗賦松柏有云松柏生高岡不

依貴者門松柏長青青却蔭貴者墳文德殿早朝云苑墻
當北斗宮樹近朝陽龍翔宮云地闕金光界龍飛析木津
指麾開輦路祠祀拜元辰天近雲光煖花濃雨脈春君王
自仁壽閒殺華封人他如漢月通江白秦雲入塞黃鷺依
江渚冷雁入楚雲深湖海三生夢乾坤一寸心皆一時傳
誦者嘗監豐儲倉值冬至炎異與陳文定公宗禮相繼拜
疏言鄭丞相清之輔政非材又攻巨闢盧董乃當時竊弄
威福者既入留中尋以言去國自是直聲聞天下久之起
監都進奏院累遷至大宗丞卒于官平生攻字學尤善作
數尺字筆法遒勁江浙各題多出公手撫州史君名必岳
亦世其傳真名父子云

水村詩話

建昌府志

卷十

雜類

軼事

六

吾鄉前輩鄧子大有功心事粹巨詩材清婉嘗有玉山道上
一絕曰玉谿谿上雨聲乾日莫東風客衲寒數樹梅花吹
作雪行人猶自倚闌干少舉進士累試禮部不中以恩補
迪功郎爲撫州金谿尉得年七十以卒

水村詩話

蜡社歌餘者吾鄉詩人黃伯厚載詩集也伯厚自號玉泉爲
京西提刑竇章朱公夢吉之壻以詩得名于嘉熙淳祐間
受知于丞相鄭忠獻公清之仕至廣東兵鈐以卒其集中
有鍾馗觀鬼鬪蝦蟆圖傳誦一時然由今觀之未足爲妙
惟陪侍丞相安晚先生宿覺濟寺夜遇大風可畏遂賦大
篇紆徐蒼勁讀之殊有深味其絕句則過長安渡有曰來
來已過十番秋更十番秋欲白頭無限舊時心裏事青山

殘照水東流。贛州道上見。土墳者曰翠樹青烟笑語稠。家
家領客醉松楸。老翁哭子氣欲絕。行到前村更轉頭。又曰
攫祭烏鴉噪。晚田草芽新染綠。如烟墓頭宋宋蟲鳴急。惟
有春風舞紙錢。又隨州沙谿詩曰石路斲隘石瀨鳴峯巒
回合小原平。桑麻積雨肥。春壠雞犬一村宣。晝晴田婦共
携中飯去。樵童相喚上山聲。邊頭今有江南景。十數年來
不用兵。數詩亦可味也。劉氏詩話

鄱陽鍾季玉守是邦。訪問高年得二大。老日游海日彭元珍
年皆百餘。奉安車迎致會八九十者。宴序公堂送之。還贈
以粟。泉酒題其所居曰老游村。老彭村而歌于詩云。大老
如游更老彭。迎來公宇共稱觥。問年齊說生乾道。有日重

建昌府志

卷十

雜類

軼事

七

新見太平八九十翁同勝會。一千餘歲侈者英燕毛序齒。
闕風化觀感油然而。孝敬生南城蘇縣令詩云使君尊老致
聘彭躋彼公堂醉洗觥。祝聖俾觀新禮節。縱談猶說舊昇
平。龐眉昔日商山皓。尚齒當年洛社英。盛事歡傳吁水上
賡歌歸美屬儒生。正德郡志

謹爾內毋飾乎外。衆慧爾愚難乎羣。隊且掃地焚香觀自在。
此陳文定公自贊也。殊有意味。公名宗禮。自立之高簡清
麗。不混流俗。其在韋布時。極貧苦。然能抗節自守。授徒之
外。絕不輕以一武詣人人。亦嚴憚之年。四十有二始爲涪
祐甲辰廷對。第三人。風裁峻整。聲動海內。其爲廣東提刑
也。駐司韶州。題虞帝廟詩有存古尚瞻虞袞冕。撫時幾換

禹山河之句蓋景定初也時鄂圍初解江淮甫定賈師憲挾勲入相有虞慮者爲監察御史摘幾換山河之語箋註幾作平聲上疏劾公謗訕又吳丞相潛爲師憲所嫉貶之循州公行部過循與吳賡和有曰山川半爲蠻烟累人物多從謫籍香處并訐其詩師憲怒爲取旨鐫其官謫居永州公雖以詩得禍而其名逾高自永再召歷簽書樞密院兼參知政事甫兩月薨于位贈官加賻哀榮始終太常議諡文定公公世居南豐千綏故自號千峯素慕韋蘇州仕宦所至掃地焚香而坐爲詩多倣韋體以歐曾爲宗持節廣東日于憲司作一亭名之曰東風自銘之有曰我亭斯覓厥位面震爰挹天和庶濯吏忍初南豐先生歿且二百

建昌府志

卷十

雜類

軼事

八

年易名禮缺公寶祐立朝因轉對爲穆陵言之得諡文定其後公藁亦諡文定異哉

隱居通議

趙次山名必岳爲白雲翁名子年甫七十登進士第二十年不仕博極羣書爲詩文敏瞻而有風骨嘗讀虛齋易通以爲其旨未究遂盡取諸儒易說參會考訂一以三聖爲指歸別作易傳發先儒所未及宏齋包公恢見而大異嘆曰是有功于吾易也年近四十始爲江西運使矩齋曾公頴茂辟置薦厯幕府以至班改作邑登朝出守撫州會長江失守制置使黃萬石寓治于撫閫治不咸竟爲黃所擠奪其郡以與參謀官任君弼翊龍次山遂歸里俄而盱撫以城迎降次山避地于贛未幾鄉寓公吳允文浚奉密詔以

江西招討使舉義... 正結約次山協謀與復戰不利允文
奔漳州爲都督文... 相天祥所殺次山解兵隱汀州之舍
中踰年以疾卒其諸子死于兵疫無存者僅存一女可哀
也平生著作極多俱不傳 水村詩話

吾盱黃希聲名文雷自號看雲早以春秋學魁鄉舉下第則
游搢紳間以箋啟四六爲吳運使子良趙觀文與憲所知
當是時荆谿節齋之名滿天下希聲藉以爲重淳祐庚戌
乃以詩經擢進士趙公知臨安辟以爲酒官旣而舟歸次
嚴陵灘覆溺失屍聞者悲之有看雲集數十卷尤長于詩
有長歌行二喬圖最工同時鄉里以詩名者碧澗行履道
登白雲趙漢宗崇嶠俱爲社友然品格俱不及公 水村詩話

建昌府志

卷十

雜類

軼事

九

作器能銘登高能賦文章家之極致然銘固難古賦尤難自
班孟堅賦兩都左太冲賦三都皆偉贍鉅麗氣盖一世往
往組織傷風骨辭華勝義味若涉大水其無津涯是以浩
博勝者也六朝諸賦又皆綺靡相勝吾無取焉耳至李泰
伯賦長江黃魯直賦江西道院然後風骨蒼勁義理勝長
駕六朝軼班左足以名百世矣近代工古賦者吾盱傳幼
安自得以山谷爲宗不惟音節激揚而風骨義味足追古
作愚亦素喜山谷諸賦嘗與幼安振袂朗誦覺沆齏生齒
頰間盖吾盱以詩名者黃希聲黃伯厚利履道趙漢宗諸
人以古文名者張誠子劉信翁諸人而以古賦名者幼安
一人而已 隱居通議

侍郎張公淵微字孟博新城人父介登進士科仕至湖南運
幹公明易工文詞而不利於鄉舉淳祐丙午流寓湖北赴
運司試中選貢禮部明年擢進士第一人爲文斬截峻刻
得左氏文法屢求其稿子孫無存者適得簡牘二三因錄
存之且紀其舊聞曰建昌鄉試取士解額三十七名而周
易義當其一寶祐乙卯歲公服喪居里是歲貢舉試士時
盱城張天民明易其文筆冠一時而同經之能者又五十
有二人意其間必有一中選矣及榜出則中者乃余裕新
城俗子也大失衆望于是天民等五十三人聯名致書于
公言余非才冒舉辱易經負舉選意若以公爲本經盟主
而赴愬之公因引易以答筆力甚偉

隱居通議

建昌府志

卷十

雜類

軼事

十

樞密包公道夫平生最疑周禮以爲非聖賢之書遂著書剖
其非號曰周禮六官辨景定壬戌公與劉潛夫尙書侍讀
緝熙殿潛夫奏之有詔宣取歐聖弼爲作進表雖所辨未
當而表則極佳故友范去非精工表奏謂予曰此表殊未
易作而聖弼作極有手段憑虛駕空自成一片令人讀之
心服去非與聖弼交不孚而當時公論如此

隱居通議

曾淵子原貶雷州御舟南巡復與政事匡山之敗曾欲赴水
爲蘇劉義所留同得脫其家竟没于北後還五羊有人見

其子雷郎者焉哀哉詩曰子負經濟才

別唐

十五 詩陶抱長策

始華陽

安得萬里風

夏夜

南圖回羽翮

送嚴公入廟文

信國集杜感逝

吾州之東某里有耕夫一日出外惟母在家舂米耕夫有子

尙幼偶戲曰中不覺確墜竟春死耕夫素很母懼其歸而怒也走避之耕夫歸見其然淬礪一斧藏腰間密往求母將甘心焉行至中途風雨陡暗迅雷一聲殛耕夫死而母訖全雷霆於他事或恕惟不孝於親及不惜米穀二事考罰甚嚴蓋報應屢顯豈非天條所禁二事尤重

隱居通議

洪武二年中書右丞王溥遣人來言近督採材木于建昌蛇舌巖見巖上黃衣人歌曰龍蟠虎踞勢岌巖堯赤帝重興勝六朝八百餘年王氣復重華從此繼唐堯其聲如鐘萬衆齊聽請宣侍史館以彰符瑞高皇云明理者非物怪可感守正者非讖緯可干漢之文成五利足以爲戒事涉妖妄豈可信哉

聖政紀

建昌府志

卷十

雜類

軼事

七

右都御史鄧公棨爲童子時其父迫于戶役以公補府中門子自其鄉小竹至城市道遇太守公問曰彼乘轎者其門子耶父曰扈轎者乃門子耳公大悲恚不欲補父貧無僱役貲竟強公爲之比至府則怒啼矯頓時逸去太守追得之見公蓄髮方至眉乃掠其髮而熟視之嘆曰此子他日當過我奈何辱以是役乎遂補公郡學弟子員且取紗三端與邑博士曰爲鄧子充贄也後公果舉進士爲臺官太守之識鑒可謂精矣惜不得其名然公生于洪武二十九年其爲童子蓄髮時當在永樂五六年間則其太守或盧

公義也

南城夏志

大村里黎坊有名黎一者元末聚無賴肆劫掠本里有潘誠

夫家富于財黎一切其財又拘誠夫同其孫景至其家曰
田地盡與則生潘懼如其言立賣約訖引誠夫同孫至東
十里水際殺之二人臨死時曰當訴于閻王自後夜寂時
二人之靈常哭于門灑血滿地或呼黎一名或託禽鳥之
聲號哭遶屋而飛自是災禍迭興黎一死于賊其子黎得
玉黎得祥皆病狂持刀自殺子孫絕滅無遺田地盡歸他
人天道報應有如影響

康熙郡志

茶陵劉與孫乃劉畊孫之弟爲南豐州同知值寇亂仗節死
于臺城弟三吾哭以詩曰桂嶺使還猶可信杉關路斷竟
無書生前有恨臺城死身後無家故國墟

湯俠漫湖筆錄

元季有張重四者善屬文好吟咏至順時大飢發粟賑濟至

建昌府志

卷十

雜類

軼事

三

正荒亂亦如之左丞王溥據郡常欲役民爲園亭人言其
地爲重四所居遂罷役張之高義固能感人而王之慷慨
重義亦異于羣雄肆威逞欲者矣重四卽宋尙書大經之
後云

萬曆南城志

鄧榮未第時遊麻姑山有詩云生平肝膽渾如鐵盡節惟思
報聖朝其忠義本素所蓄積及扈駕北征遂死之初榮每
夢捧日過山則驚而寤及其死占者乃曰日君象也山後
塞外也扈駕死塞外是其應矣

南城大事記

吾盱多信風水寄柩於寺以待吉地忽上司禁暴露僧懼罪
悉瘞之時富人莫識父塚欲告則不敢告欲遷則將誰遷
非惟莫得吉地而拜掃亦無從施也可爲停柩者戒

鑿古

盱江李泰伯先生葬鳳凰山之麓成化三年春長樂謝公士
元來守郡夢先生對浮大白飲覺而異之翼日有白於府
者曰盜發先生墓矣太守具棺衾將易葬焉啟壙視之二
大白宛然夢中見者 羅一峯集

唐汝楫家富而好施屢以縣大夫之勸出穀五百餘石儲於
官以賑其隣里施及鄰邦人皆德之其後閩人作難左右
鄰之居皆爲烈焰所焚而獨唐氏之室衆皆取梯沃水力
救之獨得無恙 何椒邱唐氏世德記

有一婦甚孝於姑成化間大歉婦以銀耳環與夫糶稻供給
其姑稻主設酒而後與之稻其夫腹果甘於飲中酒假寐
道傍爲人竊稻去夫回婦問之答以有待明日復問之不

建昌府志

卷十

雜類

軼事

三

得已道其實婦弗堪投池水死姑臨池哭曰吾婦孝今死
矣吾無望矣亦投而死夫自外歸聞母與妻俱溺又投而
死一夕天大雷雨殛死竊稻者掣至池上兩手拱其擔跪
向三屍若請罪然 正德郡志

新城陳竹澗名楫以選貢任香山令當入覲漁人有取玳瑁
獻堂下者玳瑁必生鏽之乃斑而文竹澗憐其窮迫命釋
之縛解卽疾趨還海從而尾之則其偶已久候沙汀矣竹
澗渡海歸風浪大作同發者多就溺惟竹澗舟無恙篙師
瞰二玳瑁隨舟抵岸盤桓盼別若不忍狀竹澗之孚及豚
魚矣 近溪記事

南城夏泉嘗奔宜陽扶兄柩歸次泗山舟漏漂沒且盡泉痛

哭樞回流不去呼他舟舉之 江西通志

南豐保障門俗呼第一關蓋郊門也舊有江東王廟甚偉新任官必設祭而後過否者必有奇禍享祭則一巨蛇也前明中葉某令至吏以爲請公詢其故命祭之而陰戒家人執械以俟牲體既列蛇蜿蜒踞神座而食令忽前奮擊衆械交下立碎蛇爲泥遂命舉火焚祠而後莅任 正氣錄

南城自昔雖有名醫然多祖執局方以待病其於正理率未講習嘉靖三十五年福州陳元祐號石山先生來掌郡儒學教事乃攄發奧義排斥俗論士人始大有所悟岐黃三世之書張劉李朱四大家之旨始知所覽覩其起死護生之功不可勝道郡邑人所當萬世尸祝者也 南城夏志

建昌府志

卷十

雜類

軼事

西

偶至鄉間從蒙師凡上得抄詩一帙中有益王詩五首其贈徐逸士詩云客戀梁園滯古盱衣紉蘭茝袖明珠筆端風雨千竿竹杖底雲霞五岳圖每向知音調綠綺偏於買酒散青蚨玉溪好泛重來棹莫理烟蓑混釣徒贈虞山人云性厭紅塵只守空笑空山月臥雲邊黃庭白石閑供老玉室丹臺勝有年手撚琪花蕭得計氣凝金液火無烟夜深露滴蒼苔冷靜對爐香聽野猿贈錢隱士云八十餘年混隱淪逍遙到處白雲巾揮毫幻作龍蛇態採藥時同鹿豕鄰小子傳經稱偉氣柴門樂道任清貧於今贈汝青藜杖好覓蓬壺看大椿題南豐李烈婦貞節卷云鉦鼓當年匝地驚櫓槍何事燭江城人于離亂空憂死婦爲綱常肯愛

生血染丹厓共雲碧心懸白乃月長明表揚况有銅龍筆
千古應傳節烈名題月輝清梵卷云匡廬絕頂總天成月
色凌空梵宇清影浸流雲心共寂光涵止水性長明紫衣
掛錫誰窺定白社烹茶夜話盟晤對禪機無坐處松風時
振落花聲皆清修絕俗無錦綺肥重之態而不知其爲何
王所作攷益國以詩名者惟莊王厚燭而題李烈婦詩年
代亦相若王所著勿齋集咏史詩鼎革後傳者絕少不可
得而見惟於明詩綜中閱其一二其氣味亦與此相類其
爲莊王作無疑也亟錄於此以俟勿齋集証合焉烈婦李
樂妻曾氏正德間遇賊不辱投厓死程櫛爲之傳

盱村詩話

羅汝芳甫三歲偶念母而啼父抱之卽止隨思曰心一耳何

建昌府志

卷十

雜類

軼事

五

苦樂倏變乃爾五歲從母受孝經小學諸書家人故亂其
誦怒不止告母曰何怒之難轉也人言五臟能橫信然十
五從新城張洵水學洵水每謂人須力追古人于是一意
以聖學自任一曰誦薛氏語錄云萬起萬滅之私亂吾心
久矣當一切決去以全吾澄然湛然之體遂焚香叩首矢
心力行十八閉關臨田寺几上置鏡與盂水對之令心與
水鏡無二久之成疾父憂之授以傳習錄一編循其言求
之而漸愈

知恥編

隆慶元年南城縣治火僉憲張公社往視之亟令拽縣牌額
投火中火乃頓息因憶宋史靖康元年十二月丙子夜尙
書省火延及禮祠工刑吏部拆尙書省牌擲火中禳之火

遂止乃知張公之令固有所受之也

南城夏志

同郡南豐前輩甘公來號蘇宇太翁名坤生平行誼端謹鄰邑廣昌有集曰甘竹商賈雲聚太翁嘗市易於人叢中拾金一囊重百餘兩不知誰所遺者守三日待之已其人至則絜以授之緘封不敢歸數日而蘇宇公孕以甲科歷官大參太翁受誥封邑人榮之當公登第時其家中廳忽圻裂作魁星形像痕影纖曲逼肖如畫觀者闐至太翁懼其動衆手漫滅之是夜還拆如故而禮闈揭曉卽於是日湯恪素先生與公家有親誼知之最真

藏山稿

吾邑多廉吏而雲衢陳君欽福爲最駕分巡嶺表舶司呈西洋志載陳君於名宦旣而族子開泰攝舶司篆至香山隩

建昌府志

卷十

雜類

軼事

七

見古廟巍然西洋呂宋暹羅諸國商人皆焚香禱祀問何神則雲衢陳君也廉吏之獲報如此卽中書二十四考不榮於斯矣

內省齋集

南源嶺吾邑東南孔道也天啟中有村人子慣剪徑一日雨中
有客過嶺子持挺出擊偶不中客亦善鬪奪其挺還擊之破腦死客走逸至村中入一人家小憩就竈前坐而燎衣言被賊狀其父以子久出不返密往視死矣歸聞客在已家憤甚覓巨挺入室將殺之客適先走其媳抱一孫炊火爨下父朦朧不辨驟搏之媳腦裂與孫俱斃客竟去此人後遂絕

懸榻編

暗窠程氏吾邑東南鄉之以富著者也有字毓文者生平樸

厚無財虜氣習時富家多苛削莊田租稅之入或用大斛收小斛糶小民壓於強力莫敢忤程氏亦復不免毓文之父一日以斛小於衆欲改造之毓文不可曰使吾家長有此小斛之入足矣且小民終歲勤動良苦而駿之無乃不可父感其言已之是夕夢神告曰子用意厚旦日將盡燬諸家廩獨免于覺而駭焉次日亭午程氏諸廩之在竺由及嚴湖塔者所在皆有火起次第焚燬獨毓文家廩火及而熄竟符其夢此亦崇禎中事

懸榻編

鼎革之際新城奸人黃士奇江以京等相與倡亂號百花英盟於闕侯廟勒餉鄉里將視素所不快者富者盡殺之飲大醉遺其籍爲明經鄧玉元白所得玉素有幹才旣得籍

建昌府志

卷十

雜類

軼事

七

大駭懼爲敵所忌遂佯病將死日召巫者鳴金鼓跳神以怠之而陰與孝廉鄧韶部署其衆夜半攻之戰於鷓鴣石黃嘉贊爲前鋒黃有斜爲繼嘉贊者字純德嘉縉之弟嘗與閩人鬪持兩菜刀退敵百許人以勇聞百花英旣聞玉病且死不爲備而純德勇不可當遂敗玉按籍大索次第被擒獲戮於校場積屍無算已而知縣李翔復用嘉贊有斜平較斜亂民有功翔薦嘉贊于帥府授守脩翔旣殉難嘉贊亦浮沉江湖間營鎮聞其名招之不出君子以爲不愧

嘉縉弟云

日峯記

甲申之變老山徐氏有諸生七人聞崇禎自縊乃會集家祠中慟哭向北遙拜舉携手赴池塘死

撫實集

明末余從叔曰俞爲兵所擄至南豐境內見兵于叢薄間搜得一婦美姿容衣素紗衫有大家風度兵悅之欲私焉婦不從脅以刃婦曰命則由汝身則由我遂見殺是時叔年少旣不知此婦姓氏并不識見殺地名但記其地能陶鋼鏗云余至南豐訪諸士君子無有能道其事者嗚呼天地悠悠孤魂何往窮鄉僻壤名湮沒而不彰者豈獨此婦也哉悲夫

知恥編

曾盛明名崇義嘗遇失金於途者嗚甚悲盛明漫謂之曰若無苦金我所拾也如其數出已橐償之適拾金者在旁因感動吐實盛明卽以已所出金爲砥路費歲收僞鑑皆笑而藏之至元日則舉以投諸中流獲偷兒食而衣之終不

建昌府志

卷十

雜類

軼事

六

使人知初艱於嗣謁南海遇數百歲老僧言其生平甚悉曰若行神明皆知之何慮嗣息已而果然

葛懷堂漫錄

民生之費自飲食始損曰二簋三滋過矣酬應不給日用僭侈因是苟取寡廉鮮恥何如樸謹力行簡嗇一介硜硜選觴自得去奢教儉風俗厚善竊用自托先進軌範重爲告曰三簋燕賓酌損弗益或獲時果青黃赤白倍亦無禁以永今夕嘉客聚臨謀婦無辦有茗在爐有芹在澗何必翹翔弋鳧與雁

黎川魯百宜者素有恒心有俠氣因宗族一牛屠擅殺閩人株連擬大辟頃之爲牢頭有人禁者必加意體恤貧者却其飯費嘗曰吾前生業重故有今日何敢怨天尤人祇默

默懺悔以救來生云爾居無何百宜病卒凡在獄者皆痛
哭不已宗鄰聞之莫不泣下沾襟居官者充其惻隱則獄
間之善惡亦當詳察可以牢頭重犯盡皆惡人不加矜恤
乎訓兒雜記

鄧應鳴有異母弟三人俱友愛獨叔弟不恭甚應鳴雖降心
下氣求一當不得也其後叔弟以小故得罪縣宰宰聽隸
言斃諸獄應鳴憤號哭訴於上宰賄之不可大吏劫以威
復不可匍匐赴質極勞辱卒奪縣宰官斬隸首南門外甘櫟

齋集

陳封翁者梅南先生父也翁微時得山葬母啟之乃舊椁也
翁曰吾豈忍徙人之骨以葬吾母乎遂扶柩而歸且解衣

建昌府志

卷十

雜類

軼事

充

贈棺以舊穴還之是夜夢人謝曰吾宋士子也頗有善行
偶遭此厄感公厚德不遷予塚予得請於帝願爲公子以
報深恩尊堂亦將有佳城矣次年生梅南公名鼎性至孝
登賢書爲縣令封翁爲文林郎壽八十餘梅南先生清風
高節爲豐邑賢紳今二百年來子孫人文未艾陰地不如
心地豈不信哉楊菴雜記

予邑東南鄉之以富名者有敖氏其先某翁嘗爲舟子自許
灣載客十數人至城南客散去入簡舟中得遺橐百餘金
其子顧而樂之翁曰百金重貲客致此良難而吾奄有不
義必俟之良久一士踉蹌至登舟大哭翁問故以遺橐告
翁出還之解維徐返日且昏矣行十數里忽衝淺沙膠不

可動翁自下負曳有物礙足堅甚摸之則巨麓埋沙泥中
露其一角掘取登舟發視黃白燦然不可數計乘暮攜歸
遂致大富子孫亦衆盛今數世守其產不替

藏山稿

康熙辛亥歲吾邑大水東鄉某村有赴長橋市者將出門犬
銜其衣不令去其人逐犬而往犬隨其後至橋上水漲橋
圯人墮犬卽躍入水中救主不克死焉漂六十里外人收
其屍見犬猶銜主衣不捨其家卽以犬附葬焉

知恥編

康熙十三年甯賊乘耿藩變亂來寇吾邑南鄉諸村寔受其
害大株有寡婦避寇土樓所畜豬銜其衣往土樓外若相
導者婦追之豬則去不返愈追愈遠遂避居他砦寇旋破
土樓擄男女無算而此婦以避他砦得免自是德豬飼以

建昌府志

卷十

雜類

軼事

三

精鑿二十年後婦死族人乃賣是豬用供喪費

知恥編

甲寅乙卯之變南城遭擄戮甚慘復繼以疫十數年瘡痍未
復往往行二三十里不聞雞犬聲有筏師沿盱上下見東
岸小溪中鴨百許肥甚朝出暮入有常度終不見有人一
日繫筏溪樹尾鴨行五里許得大村爲藁莽所翳鴨啞啞
狼藉稻倉中乃出招其黨噪呼以入則白骨橫斜金釧猶
在臂也買棺殮之累月不盡故老每道其慘往往唏噓至
於泣下

南樓述

新城邱方有邱姓者農民也其家百餘年未嘗分居男婦百
數十人以一長而才者主家政其餘壯幼各司其業無游
惰者婦各有事直中饋進退以班置一大竹筐於堂聚孩

幼其中老人坐視其家有田數百畝日用皆具惟仰鹽於外而已夜不設膏油截一竹植於堂除翼以松明滿室朗朗如白日

姚志

南豐洽溪胡氏聚族而居近二千戶自明以來未嘗被兵葦甲寅乙卯之間南豐爲爭地官兵叛寇絡繹至而洽溪獨得無恙者則徐南桡尉之力校尉名岱字徐南中康熙戊午武舉任俠喜賓客所構別墅客常滿唯學究不得入當乙卯之春閩寇王統率衆千餘人沿途肆掠至洽溪以假道爲名意叵測也徐南客偵知之則率父老具牛酒迎犒於道鼓樂盛筵款卽於祠而散遣其衆戶各一人皆勞以酒食酒行客盡收其繯灌其礮以水約口聞號礮則盡礮

建昌府志

卷十

雜類

軼事

三

之已而客復偵寇後隊將至徐南乃止而爲溫語說統且酬以金統旣以目左右盡散去度徐南有智數洽溪終不易虐遂欣然許諾以去久之聞統以手指洽溪謂他寇曰是中有人若輩幸無入其局中也計二三年間犒官兵者一以智弭盜者三而王統假道最險爲功於族最巨徐南旣不耐繩檢好擊劍喜客顧亦時時學書筆意近董元宰人頎秀美丰姿見者不知其爲校尉也

胡蘇洽陽逸事記

乙卯之變南鄉李氏姑嫂二人爲二兵目所得各分其一押使前行過懸崖下臨數十仞嫂見路險窄乃爲隱語示姑姑曰諾身回脚起二兵皆跌死崖下矣蓋此家素善拳棒婦女習見故手脚便捷亦快事也

據實集

康熙甲寅耿逆亂箐盜竊發誰嘷叫號馳大戟恣傷僻鄉人
化化倪倪倉皇設備策無可脫忽一老翁從蘆葦中大喊
曰衆來前去此里許有一書生自城關來傲居頗嘗言兵
急往商之必獲渡衆趨問時鄧麓遠夢來方與兄弈衆不
及待數告以寇不答有頃迫設備夢來乃進老翁授計出
語衆曰無恐汝歸但剪棘除道以俟老翁得計選勁勇十
餘人各侔莫面以帚毳握利刃撥刺威弦備火潛菰蘆中
寇過之搥鼓舉火夢來伏飛從間道出乘尾擊之磔其梟
狼餘皆潰散鄉賴以安時秋七月也 麻源記事

有兄弟二童子樵於西郊石背兄爲虎所攫弟追之虎銜兄
以鬪弟迎砍之虎流血被面負數十傷立而死兄猶橫口

建昌府志

卷十

雜類

軼事

三

中弟力盡亦死猶揮鎌作砍虎勢康熙甲寅乙卯間事 強識

閩藩叛逆禍及江右死節者不能悉知惟一女不知姓氏年
可十七八有美色被掠至南昌王者逼之輒曰妾得從君
固所願也但義無苟合須擇吉乃成婚耳王者悅其色不
忍強也至八月十五舟泊打纜洲王者設席布几燈燭輝
煌侍婢數人引女出盛妝靚服遶岸觀者數百人立未定
而女已躍入江中呼小舟救之無及矣王者檢其卧蓆下
得詩兩首卽清風嶺王氏婦龍游何氏婦所作也王者不
知爲古詩遂刻之而署其前曰南城烈女作遍貼街市爲
買棺厚葬慟哭而去 知恥編

羅玉和父子往樵玉和爲虎所捨其子呼號乞虎捨父願以身代須臾玉和從茅坑而出其子負之而歸康熙初年事陶吾廬日記

吾友陳允衡伯璣御史本子南城人家南昌東湖亂後流寓鳩茲徙舊京晚歸東湖葺雲卿蔬圃故址居之伯璣弱不勝衣雙瞳碧色五言數十句非章蘇州倪元鎮不能道也阮亭皇華紀聞

賀過黎川聞有揮重金徙舊穴因念吾邑朱器之先生宋名賢也其塚已盡鬻矣陳干峯爲宋碩輔今子孫微弱亦以祖塋盡鬻於平西矣予聞而悲之作枯骸怨螻屈棲衙門誰云茲地好簪纓接武後競傳爲至寶貧時無取舍卜葬

建昌府志

卷十

雜類

軼事

三

原草草不幸遭富貴浮名滋懊惱須臾數十載春秋稀拜掃轉瞬數十年枯骨亦難保枯骨痛何辜祇幸科名早來路卽歸路翳誰無祖考鶴髮豈能孕徒爾干天道循環當有日公道惟此老惕菴雜感

郡城東八里有村曰株源遺民涂愛吾愛已兄弟處其中壽皆百歲服古衣冠終身不入城市而愛吾之子世任百歲尙能力農又過於其父一門三上壽真吾郡罕有之事也陶吾廬日記

予少聞樟村楊應明割股以救父父不愈其事遂不傳厥後予族姪淡生有媳楊氏割股以救姑姑卽愈迄今姑媳並存而遠近無一知者夫父之存不存亦其事有幸不幸其

爲割股則一也至於婦人女子而能施於姑猶爲所難爲
乃皆弗之傳獨西城楊君志字以此顯聞于時

孔天徵集

吾盱山明水秀甲於江右讀書學劍不成往往習爲繪事挾
技走四方而姓名亦藉以傳國初着色山水首推馬徵公
筆美人競稱王弁潑墨雲龍則明藩華山自號心源道人
繼之者有吳言可迪謨嗣馬徵寫山水者爲鄧宏洋嗣王
弁寫美人者爲邱山甫此皆師法相承青出於藍者他如
朱南畊之仙佛陳卓公之花鳥蔡懿臣之牛馬白菜李雲
翼之魚鱉西瓜黃伯衡之松饒天一之梅曾篁邨之松竹
梅周先洛之白朶水墨釋重宗藕堂譚雲邱之蘭鄭一水
饒宇六邱伊日之蓮荷張文垣之金石彝鼎皆可傳世外

建昌府志

卷十

雜類

軼事

十四

此尙十餘家工拙予不得而詳焉

蝶菴書論

南豐四十七都與甯都界有騎而過劉嶺者墮其橐四百金
爲樵子劉細毬所獲細毬手之重以置坎下舉草覆之樵
其旁不去薄莫騎者還息嶺下咨嗟太息若重有所苦細
毬挑以語則果失金人也詢其狀合遂還之不顧而去細
毬陋而厄年三十餘無室家所樵薪不足以給朝夕數月
前夢神告以日月當爲虎所食醒而大笑以爲妄也歸金
之後力漸進樵獲倍一日樵歸則有從後曳其樵者呵之
再三終不已細毬怒以爲樵侶也却而過之則一虎從樵
上躍過前溪矣計其日適與夢合其後自致千金產有子
四人享高壽劉嶺人往往言其事

琴城稗記

吳秉和字汝育涪安人雍正庚戌進士乾隆四年由東鄉縣調宰南豐性明而不忍每刑人則面有青色斷死刑必爲之涕泣其父母尤時時以緩刑爲言故聽訟至當常苦不能絕根株延接紳士有吐握風而一語不可及私洞開重門日命親屬出入市易而民不以爲疑吏胥至典衣敝袴無所事解署久圯請得自營建一以任紳士揭斯禮劉露費省以倍美且固勝他署壬戌以內艱去豐人弔奠者衆感太夫人緩刑之心也

覺源寺唐建本名桃源宋治平中賜今額建炎四年春隆祐孟太后爲金人所追自蘄如洪如吉如虔幾不免最後至南豐覺源寺乃駐轡焉其時建昌爲金人所圍以蔡延世

建昌府志

卷十

雜類

軼事

三

守禦有方得不破虔之上游金亦未至故南豐尙屬樂土而太后亦得以少息震驚也太后有覺源寺詩云遭逢離亂出深宮錦繡江山一旦空最苦遠奔荒服外多愁暫出寺門中金輿軋破禪苔綠寶扇斜搖蠟炬紅稽首山僧朝見罷鉢龍梵鶴遶西東此詩見於南豐備錄邑乘紺珠彰彰可攷唯石壁一詩傳爲太后磨厓碑漫漶不可讀彷彿西風二字尙留苔蘚間

多識錄

黃國瓚字薦玉父死貧甚傭直以養母日歸省視安否撫摩抑搔嬉笑跳躍如嬰兒問母所欲飲食畢力奉之有餘則分兄弟數十年如一日常夢神人預告水災平明以語衆疑信者半未幾水暴漲如所言信而備者得無恙居常茹

素不飲酒未有家室人稱黃齋公云

新城縣志

懸榻編載羅圭峯之夫人與張柏崖夫人兄弟也柏崖早貴圭峯與飲行酒次柏崖應稍慢圭峯杯擲之而曰鼎甲恒耳安知不元我也遂去入北雍爲邱文莊所知卒冠北闈試而其歷二卿贈大宗伯名位亦畧相等攷二公集生平往來雍睦圭峯旣貴柏崖來京師卽主其家柏崖卒圭峯爲之銘墓未嘗有纖芥之嫌也而柏崖二夫人先胡後上官圭峯二夫人先王後蕭兄弟之語乃無影響世人耳食又好詆誣賢者徐拙菴喜記新聞每不核實輒筆之於書而志乘又取入禠記中遂令此冤千古莫解矣此與近溪飛鰲峯書字事皆有闕賢者生平故不可以不辨

多識錄

建昌府志

卷十

雜類

軼事

三

從姑山多摩崖大書其最高者爲玉立去地可三十丈其次爲聳壑凌霄其次爲天下奇觀皆莫名其年代若羅近溪所書飛鰲峯視玉立三分之一耳世傳近溪書字時先令人去石上苔蘚除旣淨則飛鰲峯三字宛然旁書唐僧惟德惟德近溪字也近溪因恍然悟前生之爲唐僧就其字加以墨而易今名予見近溪手跡頗多皆與此無異固知其說之謬也是山他字皆爲苔華所觸獨飛鰲峯藏於倒石之下風雨不及終古如斯果有唐字亦安用近溪掃除爲又云近溪少時爲一木販所侮及其貴特令架木書字以報之而木販遂敗此山摩崖數十處有三倍飛鰲者豈盡有怨於木販耶卽近溪所書尙在壬午冬月益王潢南

到此字在書飛鰲之後其高下亦相等豈別有木販又藉以報怨耶世俗好怪矯誣賢者徐拙菴乃復筆之於書其亦信耳而不信目也已

多識錄

建郡自康熙甲寅閩藩叛後士多失學文風不競壬戌學使鑲黃旗漢軍高璜挾巨眼留心振作幕中所延皆當代知名士每遇異才珍賞不置月課南城得佳卷按臨時彙知爲拔貢生鄧昞代作卽造廬聘請入幕分校南豐鄧邦才年六十餘困諸生歲試邀公奇賞大書其文榜示屏牆爲多士式不數月邦才病卒公聞之悼嘆不已明年科試涖郡自爲文命諸生湯某祭之其文曰嗚呼貴賤命也窮達時也古今來多不可以問天者而予與生尤不覺涕泗之

建昌府志

卷十

雜類

軼事

三

何從方生之舉茂才而名噪士林也尙屬前明之季世而我先大夫猶四三年而始爲本朝之從龍余年二十獲登春官之榜而爲文章侍從今三十有二歷水部禮曹卽以至斯也生已皓首而歎所遇之終窮計生之屈抑且五十餘年其間變易黑白而混淆是非者不知凡幾豈曰蹇修之不淑而揣摩之未工幸予與生相賞於風塵之外揭其文以爲式謂庶幾任起衰之責者將於昇乎在而可以媲美於南豐何昊天之不弔生以寢疾病而曾不得餼廩以歿於黷宮豈名者天之所忌生以一日雪三北之恥鬼神惡盈而遂死也抑著書者必窮愁生福命止此而顧宜厄以畢世之遭逢今予科試生里思生之文痛生之死爰命

湯子讀交代祭生其有知而鑒予惻怛之深衷望明江之
浩渺寫予懷於悲風彼造物者之茫茫而又安知天地之
所終

建昌府志卷十

雜類

軼事

三

